



**«ՄԱՔՈՒՐ ԵՐԿԱԹԻ ԳՈՐԾԱՐԱՆ»
ԲԱՅ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ
2021թ. ԵՐԿՐՈՐԴ ԵՌԱՄՍՅԱԿԻ ՀԱՇՎԵՏՎՈՒԹՅՈՒՆ**

ԲՈՎԱՆԴԱԿՈՒԹՅՈՒՆ

1. «Մաքուր երկաթի գործարան» ԲԲԸ-ի ֆինանսական հաշվետվությունները 2021թ. երկրորդ եռամսյակի համար
2. «Մաքուր երկաթի գործարան» ԲԲԸ-ի կառավարման մարմինների միջանկյալ զեկույց
3. «Մաքուր երկաթի գործարան» ԲԲԸ-ի պատասխանատու անձանց հայտարարություն

“Մաքուր երկաթի գործարան” ԲԲԸ

**Միջանկյալ Ֆինանսական հաշվետվություններ
2021թ երկրորդ եռամսյակի համար**

Բովանդակություն

Ֆինանսական վիճակի մասին միջանկյալ հաշվետվություն	5
Շահույթի կամ վնասի և այլ համապարփակ ֆինանսական արդյունքների մասին միջանկյալ հաշվետվություն	6
Դրամական միջոցների հոսքերի մասին միջանկյալ հաշվետվություն	7
Սեփական կապիտալում փոփոխությունների մասին միջանկյալ հաշվետվություն	8
Միջանկյալ ֆինանսական հաշվետվություններին կից ծանոթագրություններ	9
Հիմնական միջոցներ	23
Կապակցված կողմեր	24

	30 հունիսի 2021թ	31 դեկտեմբերի 2020թ
Հազար դրամ		
Ակտիվներ		
Հիմնական միջոցներ	7 936 252	7 969 856
Ոչ նյութական ակտիվներ	2 347	2 678
Վաճառքի համար մատչելի ներդրումներ	5 000	5 000
Ասոցացված կազմակերպությունում ներդրումներ	175 652	175 652
Ոչ ընթացիկ կանխավճարներ	217 233	192 432
Ընդամենը ոչ ընթացիկ ակտիվներ	8 336 484	8 345 618
Պաշարներ	737 764	720 844
Առևտրական և այլ դեբիտորական պարտքեր	9 907 765	15 679 318
Ընթացիկ կանխավճարներ	9 794 794	9 750 929
Շահութահարկի կանխավճար	-	76 226
Ժամկետային ավանդներ	495 860	-
Դրամական միջոցներ և դրանց համարժեքներ	1 560 647	2 207 174
Ընդամենը ընթացիկ ակտիվներ	22 496 830	28 434 491
Ընդամենը ակտիվներ	30 833 314	36 780 109
Սեփական կապիտալ		
Բաժնետիրական կապիտալ	690 930	690 930
Զբաղիված շահույթ	24 053 844	30 051 575
Ընդամենը սեփական կապիտալ	24 744 774	30 742 505
Պարտավորություններ		
Հետաձգված հարկային պարտավորություն	314 914	280 781
Ընդամենը ոչ ընթացիկ պարտավորություններ	314 914	280 781
Առևտրական և այլ կրեդիտորական պարտքեր	264 678	242 950
Կրեդիտորական պարտքեր շահաբաժինների գծով	4 974 026	5 242 516
Կրեդիտորական պարտքեր ընթացիկ հարկերի գծով	169 965	-
Կրեդիտորական պարտքեր այլ հարկերի գծով	157 317	162 626
Պահուստ	207 640	108 731
Ընդամենը ընթացիկ պարտավորություններ	5 773 626	5 756 823
Ընդամենը պարտավորություններ	6 088 540	6 037 604
Ընդամենը սեփական կապիտալ և պարտավորություններ	30 833 314	36 780 109

	01.01.2021թ.- 30.06.2021թ.	01.01.2020թ.- 30.06.2020թ.
Գործառնական գործունեություն		
Պատվիրատուներից ստացված գումարներ ներառյալ ԱԱՀ-ն	5 049 589	4 887 821
Վճարումներ մատակարարներին ներառյալ ԱԱՀ-ն	(2 078 610)	(1 922 718)
Վճարումներ աշխատակիցներին	(713 858)	(952 087)
Վճարումներ շահութահարկի գծով	0	(1 071 410)
Վճարումներ հարկերի գծով՝ բացառությամբ շահութահարկի	(752 002)	(611 672)
Տրված նվիրատվություններ	(25 008)	(10 033)
Այլ ստացված գումարներ	1 609	630
Այլ վճարումներ	(31 039)	(1 561)
Ստացված տոկոսներ	292 624	442 158
Զուտ դրամական միջոցների հոսքեր՝ ստացված / (օգտագործված) գործառնական գործունեությունում	1 743 305	761 128
Ներդրումային գործունեություն		
Ներդրում ժամկետային ավանդներում	(1 560 400)	-
Ժամկետային ավանդների մարում	1 040 750	1 442 830
Հիմնական միջոցների և ոչ նյութական ակտիվների ձեռքբերում	(327 991)	(554 805)
Մուտքեր հիմնական միջոցների վաճառքից	2 293	1 212
Մուտքեր իրական արժեքով՝ այլ համապարփակ ֆինանսական արդյունքների միջոցով չափվող բաժնային գործիքների վաճառքից	4 994 207	-
Տրված փոխառություններ	-	(478 690)
Զուտ դրամական միջոցների հոսքեր՝ (օգտագործված) / ստացված ներդրումային գործունեությունից	4 148 859	410 547
Ֆինանսավորման գործունեություն		
Ստացված վարկեր և փոխառություններ	-	50 000
Վարկերի և փոխառությունների մարում	-	(50 000)
Վճարված շահաբաժիններ	(6 535 042)	(987 213)
Վճարված տոկոսներ	-	(62)
Զուտ դրամական միջոցների հոսքեր՝ օգտագործված ֆինանսավորման գործունեությունում	(6 535 042)	(987 275)
Դրամական միջոցների և դրանց համարժեքների զուտ աճ/նվազում	(642 878)	184 400
Դրամական միջոցներ և դրանց համարժեքներ հունվարի 1-ի դրությամբ	2 207 174	1 276 756
Արտարժույթի փոխարժեքի փոփոխությունների զուտ տարբերություններ	(3 649)	5 397
Դրամական միջոցներ և դրանց համարժեքներ հունիսի 30-ի դրությամբ	1 560 647	1 466 553

Հազար դրամ	Բաժնետիրական կապիտալ	Զբաղիված շահույթ	Իրական արժեքի պահուստ վաճառքի համար մատչելի ներդրումների համար	Ընդամենը սեփական կապիտալ
Մնացորդը 2021թ. հունվարի 1-ի դրությամբ	690 930	30 051 575	-	30 742 505
Շահույթ 2021թ. հունիսի 30- ին ավարտվող ժամանակաշրջանի համար	-	790 999	-	790 999
Շահաբաժնի բաշխում	-	(6 788 730)	-	(6 788 730)
Ընդամենը համապարփակ ֆինանսա- կան արդյունք 2021թ. հունիսի 30-ին ավարտվող ժամանակաշրջանի համար	-	744 944	-	744 944
Մնացորդը 2021թ. հունիսի 30-ի դրությամբ	690 930	24 053 844	-	24 744 774

Հազար դրամ	Բաժնետիրական կապիտալ	Զբաղիված շահույթ	Իրական արժեքի պահուստ վաճառքի համար մատչելի ներդրումների համար	Ընդամենը սեփական կապիտալ
Մնացորդը 2020թ. հունվարի 1-ի դրությամբ	690 930	39 456 260	-	40 147 190
Շահույթ 2020թ. հունիսի 30-ին ավարտվող ժամանակաշրջանի համար	-	1 511 749	-	1 511 749
Շահաբաժնի բաշխում	-	(12 000 072)	-	(12 000 072)
Ընդամենը համապարփակ ֆինանսա- կան արդյունք 2020թ. հունիսի 30-ին ավարտվող ժամանակաշրջանի համար	-	1 511 749	-	1 511 749
Մնացորդը 2020թ. հունիսի 30-ի դրությամբ	690 930	28 967 937	-	29 658 867

Ներածություն

(ա) Հայաստանի գործարար միջավայր

Ընկերությունն իր գործունեությունն իրականացնում է Հայաստանում: Հետևաբար Ընկերության գործունեության վրա ազդեցություն են ունենում Հայաստանի տնտեսությունը և ֆինանսական շուկան որոնց բնորոշ են զարգացող շուկայի հատկանիշներ: Իրավական հարկային և օրենսդրական համակարգերը շարունակում են զարգանալ սակայն կարող են ունենալ տարբեր մեկնաբանություններ և ենթակա են հաճախակի փոփոխությունների ինչն այլ իրավական ու ֆինանսական խոչընդոտների հետ մեկտեղ լրացուցիչ բարդություններ է ստեղծում Հայաստանում գործող ընկերությունների համար: Ֆինանսական հաշվետվություններն արտացոլում են Ընկերության գործունեության և ֆինանսական վիճակի վրա գործարար միջավայրի ազդեցության դեկլարության գնահատականը: Ապագա գործարար միջավայրը կարող է տարբերվել դեկլարության գնահատականից:

(բ) Հիմնական գործունեությունը

“Մաքուր երկաթի գործարան” ԲԲԸ-ն (Ընկերություն) 1968թ-ին հիմնադրված “Մաքուր երկաթի փորձա-արդյունաբերական գործարանի” իրավահաջորդն է: 1995թ-ին Ընկերությունը վերակազմավորվել է “Մաքուր երկաթի գործարան” ԲԲԸ-ի:

Ընկերության հիմնական գործունեությունը ֆերոմոլիբդենի և եռակալված մետաղական մոլիբդենի արտադրությունն է որոնք վաճառվում են արտերկրում: 2015թ-ից Ընկերությունը սկսել է մատուցել մոլիբդենի խտանյութի վերամշակման ծառայություններ:

Ընկերության իրավաբանական հասցեն է՝ Հայաստանի Հանրապետություն Երևան Արցախի պող. 75:

Ընկերությունն իր գործարքների մեծամասնությունն իրականացնում է կապակցված կողմերի հետ: Արդյունքում Ընկերությունը տնտեսապես կախված է կապակցված կողմերից: Կապակցված կողմերի հետ գործարքների մանրամասները ներկայացված են ծանոթագրություն 26-ում:

1. Հաշվապահական հաշվառման հիմունքներ

Համապարասխանության մասին հայտարարություն

Այս ֆինանսական հաշվետվությունները պատրաստվել են Ֆինանսական հաշվետվությունների միջազգային ստանդարտների (ՖՀՄՍ) պահանջների համաձայն:

2. Ֆունկցիոնալ և ներկայացման արժույթ

Հայաստանի Հանրապետության ազգային արժույթը ՀՀ դրամն է (“դրամ”), որը հանդիսանում է Ընկերության ֆունկցիոնալ արժույթը և այս ֆինանսական հաշվետվությունների ներկայացման արժույթը: Ֆինանսական ամբողջ տեղեկատվությունը ներկայացված է դրամով՝ հազարների ճշտությամբ բացառությամբ այն դեպքերի երբ կատարվում են այլ նշումներ:

3. Գնահատումների և դատողությունների օգտագործում

Ֆինանսական հաշվետվությունները ՖՀՄՍ պահանջներին համապատասխան պատրաստելու համար ղեկավարությունից պահանջվում է կատարել մի շարք դատողություններ գնահատումներ և ենթադրություններ, որոնք ազդեցություն ունեն հաշվապահական հաշվառման քաղաքականության կիրառման ինչպես նաև ակտիվների պարտավորությունների եկամուտների և ծախսերի ներկայացված գումարների վրա: Փաստացի արդյունքները կարող են տարբերվել այդ գնահատումներից:

Գնահատումները և վերջիններիս համար հիմք հանդիսացող ենթադրությունները շարունակաբար վերանայվում են: Հաշվապահական գնահատումների վերանայումները ճանաչվում են այն ժամանակաշրջանում, որում կատարվել են և այն ապագա ժամանակաշրջաններում, որոնց վրա կարող են ազդեցություն ունենալ:

Այն ենթադրությունների և գնահատումների հետ կապված անորոշությունների վերաբերյալ տեղեկատվությունը, որոնք ենթադրում են հաջորդ ֆինանսական տարվա ֆինանսական հաշվետվությունների տվյալների էական ճշգրտման ռիսկ, ինչպես նաև ֆինանսական հաշվետվություններում ճանաչված գումարների վրա էական ազդեցություն ունեցող հաշվապահական հաշվառման քաղաքականության կիրառման ժամանակ կատարած կարևոր դատողությունների վերաբերյալ տեղեկատվությունը ներկայացված է ծանոթագրություններ 15-ում և 24-ի (ա) կետում:

Իրական արժեքի չափում

Ընկերության հաշվապահական հաշվառման որոշակի դրույթների և բացահայտումների համար պահանջվում է իրական արժեքի չափում ֆինանսական և ոչ ֆինանսական ակտիվների ու պարտավորությունների համար:

Ակտիվի կամ պարտավորության իրական արժեքը չափելիս՝ Ընկերությունը հնարավորության սահմաններում օգտագործում է դիտարկելի շուկայական տվյալները:

Իրական արժեքները դասակարգվում են ըստ իրական արժեքի հիերարխիայի մակարդակների՝ հիմք ընդունելով գնհատման մեթոդներում օգտագործված ելակետային տվյալները ինչպես ներկայացված է ստորև:

- *1-ին մակարդակ.* նույն ակտիվների կամ պարտավորությունների համար ակտիվ շուկաներում գնանշվող գներ (չճշգրտված):
- *2-րդ մակարդակ.* 1-ին մակարդակում ներառված գնանշվող գներից տարբեր այլ ելակետային տվյալներ, որոնք ակտիվի կամ պարտավորության գծով դիտարկվում են կամ ուղղակիորեն (այսինքն՝ որպես գներ) կամ անուղղակիորեն (այսինքն՝ գների հիման վրա ստացվող):

- **3-րդ մակարդակ.** ակտիվի կամ պարտավորության գծով ելակետային տվյալներ, որոնք հիմնված չեն դիտարկելի շուկայական տվյալների վրա (ոչ դիտարկելի ելակետային տվյալներ):

Եթե ակտիվի կամ պարտավորության իրական արժեքը չափելու համար օգտագործվող ելակետային տվյալները կարող են դասակարգվել իրական արժեքի հիերարխիայի տարբեր մակարդակների ապա իրական արժեքի չափումն ամբողջությամբ դասվում է հիերարխիայի այն նույն մակարդակին, որին դասվում են այն ամենացածր մակարդակի ելակետային տվյալները որոնք նշանակալի են ամբողջությամբ վերցված իրական արժեքի չափման համար:

Իրական արժեքի չափման վերաբերյալ լրացուցիչ տեղեկատվությունը ներկայացված է ծանոթագրություններ 15-ում և 24-ի (ա) կետում:

4. Չափման հիմունքներ

Ֆինանսական հաշվետվությունները պատրաստվել են սկզբնական արժեքի հիմունքով բացառությամբ վաճառքի համար մատչելի ֆինանսական ակտիվների և ածանցյալ ֆինանսական գործիքների, որոնք հաշվառվում են իրական արժեքով:

5. Հաշվապահական հաշվառման քաղաքականություն

Ստորև ներկայացված հաշվապահական հաշվառման քաղաքականությունը կիրառվել է հետևողականորեն այս ֆինանսական հաշվետվություններում ներկայացված բոլոր ժամանակաշրջանների համար:

(ա) Ասոցիացված կազմակերպություն

Ասոցիացված կազմակերպություններ են հանդիսանում այն կազմակերպությունները որոնց ֆինանսական և գործառնական քաղաքականության նկատմամբ Ընկերությունն ունի նշանակալի ազդեցություն սակայն՝ ոչ վերահսկողություն: Ընկերության կողմից նշանակալի ազդեցություն ենթադրվում է այն դեպքում երբ Ընկերությանն են պատկանում այլ կազմակերպության քվեարկելու իրավունք տվող բաժնետոմսերի 20%-ից 50%-ը:

Ասոցիացված կազմակերպություններում ունեցած բաժնեմասերը հաշվառվում են բաժնեմասնակցության մեթոդով և վերջիններիս սկզբնական ճանաչումն իրականացվում է սկզբնական արժեքով: Ներդրման սկզբնական արժեքը ներառում է գործարքի հետ կապված ծախսումները:

Ընկերության ֆինանսական հաշվետվությունները ներառում են բաժնեմասնակցության մեթոդով հաշվառվող ներդրման օբյեկտների շահույթում կամ վնասում և այլ ֆինանսական արդյունքներում Ընկերության բաժնեմասն այն ճշգրտումներից հետո որոնք իրականացվում են ներդրման օբյեկտների հաշվապահական հաշվառման քաղաքականությունն Ընկերության հաշվապահական հաշվառման քաղաքականության հետ համապատասխանեցնելու համար՝ այն ամսաթվից երբ Ընկերությունը սկսում է նշանակալի ազդեցություն ունենալ մինչև այն ամսաթիվը երբ դադարում է նշանակալի ազդեցություն ունենալ: Ներդրման հաշվեկշռային արժեքի գծով կատարվում են ճշգրտումներ՝ ձեռքբերման ամսաթվից ասոցիացված կազմակերպության զուտ ակտիվներում Ընկերության բաժնեմասի փոփոխությունները ճանաչելու համար: Բաժնեմասնակցության մեթոդով հաշվառվող ներդրման օբյեկտների հետ իրականացվող գործարքներից առաջացող չիրացված

օգուտը բացառվում է ներդրման դիմաց ներդրման օբյեկտում Ընկերության բաժնեմասի չափով: Չիրացված վնասը բացառվում է նույն եղանակով ինչպես չիրացված օգուտը սակայն այնքանով որքանով բացակայում է արժեզրկման վկայություն:

Բաժնեմասնակցության մեթոդը կիրառելուց հետո Ընկերությունը որոշում է թե արդյոք անհրաժեշտ է ճանաչել արժեզրկումից կորուստ ասոցիացված կազմակերպությունում կատարած ներդրման գծով: Յուրաքանչյուր հաշվետու ամսաթվի դրությամբ Ընկերությունը որոշում է թե արդյոք առկա է ասոցիացված կազմակերպությունում կատարած ներդրման արժեզրկման անկողմնակալ վկայություն: Նման վկայության դեպքում Ընկերությունը հաշվարկում է արժեզրկման գումարը՝ որպես փոխհատուցվող գումարի և հաշվեկշռային արժեքի տարբերություն:

(բ) Հասույթ

Վաճառված ապրանքներ

Հասույթը ճանաչվում է համոզիչ վկայության առկայության դեպքում՝ սովորաբար վաճառքի իրագործված պայմանագրի տեսքով համաձայն որի գնորդին են փոխանցվել ապրանքների սեփականության հետ կապված ռիսկերի և հատույցների նշանակալի մասը հատուցման ստացումը հավանական է հնարավոր է արժանահավատորեն չափել գործարքի հետ կապված ծախսումներն ու ապրանքների հնարավոր վերադարձը չի դիտվում շարունակական մասնակցություն ապրանքների կառավարմանը և հնարավոր է արժանահավատորեն չափել հասույթի գումարը: Բնականոն գործունեության ընթացքում ապրանքների վաճառքից ստացված հասույթը չափվում է ստացված կամ ստացվելիք հատուցման իրական արժեքով՝ առանց վերադարձումների առևտրային զեղչերի և իջեցումների:

Սեփականության հետ կապված ռիսկերի և հատույցների փոխանցման ժամկետը կախված է առանձին վաճառքի պայմանագրերի պայմաններից: Ֆերոմոլիբդենի և եռակալված մետաղական մոլիբդենի համար փոխանցումը սովորաբար տեղի է ունենում երբ արտադրանքը մաքսազերծվում է մաքսատանը՝ արտահանման նպատակով:

Ընկերության ֆերոմոլիբդենի և եռակալված մետաղական մոլիբդենի վաճառքի պայմանագրերը սովորաբար նախատեսում են պայմանական վճարումներ ինչպես նշված է առանձին պայմանագրերում՝ հիմք ընդունելով նմուշների հետազոտության նախնական արդյունքները և մետաղի սփոթ գները: Վերջնահաշվարկը կատարվում է ելնելով մետաղի շուկայական գներից՝ միջինացված գնանշման որոշակի ապագա ժամանակահատվածի համար: Որպես կանոն ֆերոմոլիբդենի և եռակալված մետաղական մոլիբդենի համար գնանշման ապագա ժամանակաշրջանը կազմում է մինչև երկու ամիս՝ առաքման ամսից հետո:

Ընկերության պայմանականորեն գնանշվող վաճառքի պայմանագրերը ներառում են պարունակվող ածանցյալ գործիքներ, որոնք պետք է առանձնացվեն հիմնական պայմանագրից՝ հաշվապահական հաշվառման նպատակներով: Պարունակվող ֆինանսական գործիքը որն իրենից ներկայացնում է վերջնահաշվարկի գինը ճշգրտված ապագա գնով ֆինանսական վիճակի մասին հաշվետվությունում գրանցվում է որպես դեբիտորական պարտք կամ ստացված կանխավճար և յուրաքանչյուր ժամանակաշրջանում վերագնահատվում է (իրական արժեք) հասույթի միջոցով:

Ծառայություններ

Մատուցված ծառայություններից ստացված հասույթը ճանաչվում է հաշվետու ամսաթվի դրությամբ գործարքի ավարտվածության աստիճանին համամասնորեն: Գործարքի ավարտվածության աստիճանը գնահատվում է կատարված աշխատանքների ուսումնասիրության հիման վրա:

(գ) Ֆինանսական եկամուտ և ծախս

Ընկերության ֆինանսական եկամուտը և ֆինանսական ծախսերը ներառում են.

- ներդրված միջոցների և տրամադրված փոխառությունների գծով տոկոսային եկամուտը
- շահաբաժինների գծով եկամուտը
- փոխառության ծախսումների գծով տոկոսային ծախսը
- փոխարժեքային տարբերություններից առաջացող շահույթը կամ վնասը ֆինանսական ակտիվների և ֆինանսական պարտավորությունների գծով:

Տոկոսային եկամուտը և ծախսը ճանաչվում են կիրառելով արդյունավետ տոկոսադրույքի մեթոդը: Շահաբաժինների գծով եկամուտը ճանաչվում է շահույթում կամ վնասում այն ամսաթվին երբ հաստատվում է վճարում ստանալու Ընկերության իրավունքը:

Փոխարժեքային տարբերություններից առաջացող շահույթը և վնասը ներկայացվում են զուտ հիմունքով որպես ֆինանսական եկամուտ կամ ֆինանսական ծախս՝ կախված այն հանգամանքից թե որ դիրքում է կատարվում արտարժույթի շարժը՝ զուտ շահույթի կամ զուտ վնասի:

(դ) Արտարժույթով գործարքներ

Արտարժույթով իրականացվող գործարքները փոխարկվում են Ընկերության ֆունկցիոնալ արժույթի գործարքի օրվա դրությամբ սահմանված փոխարժեքով:

Հաշվետու ամսաթվի դրությամբ արտարժույթով արտահայտված դրամային ակտիվները և պարտավորությունները փոխարկվում են ֆունկցիոնալ արժույթի այդ օրվա դրությամբ սահմանված փոխարժեքով: Դրամային հոդվածների գծով արտարժույթով իրականացված գործարքներից շահույթը կամ վնասը հանդիսանում է հաշվետու տարվա սկզբի դրությամբ ֆունկցիոնալ արժույթով արտահայտված արդյունավետ տոկոսադրույքով և ժամանակաշրջանի ընթացքում վճարումներով ճշգրտված ամորտիզացված արժեքի և արտարժույթով արտահայտված ու հաշվետու ժամանակաշրջանի վերջին օրվա դրությամբ գործող փոխարժեքով փոխարկված ամորտիզացված արժեքի տարբերությունը:

Սկզբնական արժեքով չափվող արտարժույթով արտահայտված ոչ դրամային հոդվածները փոխարկվում են գործարքի օրվա դրությամբ սահմանված փոխարժեքով:

Արտարժույթի փոխարկումից առաջացող տարբերությունները ճանաչվում են շահույթում կամ վնասում:

(ե) Աշխատակիցների հապուցումներ

Աշխատակիցների կարճաժամկետ հապուցումներ

Աշխատակիցների կարճաժամկետ հատուցումների գծով պարտականությունները չափվում են առանց զեղչման և ծախսագրվում են համապատասխան ծառայությունը մատուցելուց հետո: Պարտավորությունը ճանաչվում է այն գումարի չափով որն ակնկալվում է վճարել որպես կարճաժամկետ դրամական միջոցների տեսքով պարգևավճար եթե Ընկերությունն ունի ներկա իրավական կամ կառուցողական պարտականություն այդ գումարը վճարել որպես անցյալ ծառայության արդյունք կամ կարող է արժանահավատորեն գնահատել պարտականությունը:

(գ) Շահութահարկ

Շահութահարկը բաղկացած է ընթացիկ և հետաձգված հարկերից: Այն ճանաչվում է շահույթում կամ վնասում բացառությամբ այն մասի որը վերաբերում է ուղղակիորեն սեփական կապիտալում կամ այլ համապարփակ ֆինանսական արդյունքներում ճանաչված տարրերին:

Ընթացիկ հարկ

Ընթացիկ հարկը տարվա հարկվող շահույթի կամ վնասի գծով վճարման կամ ստացման ենթակա հարկի գումարն է, որը հաշվարկվում է կիրառելով հարկերի այն դրույքները որոնք ուժի մեջ են եղել կամ ըստ էության ուժի մեջ են եղել հաշվետու ամսաթվի դրությամբ և ներառում է նախորդ տարիների վճարման ենթակա հարկերի գծով կատարված ճշգրտումները:

Հետաձգված հարկ

Հետաձգված հարկը ճանաչվում է ֆինանսական հաշվետվությունների նպատակների համար օգտագործվող ակտիվների և պարտավորությունների հաշվեկշռային արժեքների և հարկային նպատակների համար օգտագործվող գումարների միջև ժամանակավոր տարբերությունների գծով: Հետաձգված հարկը չի ճանաչվում այն ժամանակավոր տարբերությունների համար որոնք առաջանում են ակտիվների և պարտավորությունների սկզբնական ճանաչման հետ կապված այն գործարքում որը չի հանդիսանում ձեռնարկատիրական գործունեության միավորում և որը ազդեցություն չունի հաշվապահական կամ հարկվող շահույթի կամ վնասի վրա:

Հետաձգված հարկային ակտիվը ճանաչվում է չօգտագործված հարկային վնասների հարկային արտոնությունների և նվազեցվող ժամանակավոր տարբերությունների գծով այն չափով որքանով հավանական է որ առկա կլինի հարկվող շահույթ որի դիմաց դրանք կարող են օգտագործվել: Հետաձգված հարկային ակտիվները վերանայվում են յուրաքանչյուր հաշվետու ամսաթվի դրությամբ և նվազեցվում են այնքանով որքանով հավանական չէ որ հարկային օգուտը կիրացվի:

Հետաձգված հարկի գումարը չափվում է՝ կիրառելով հարկի այն դրույքները որոնք ակնկալվում է որ կկիրառվեն ժամանակավոր տարբերությունների նկատմամբ վերջիններս հակադարձելիս՝ հիմք ընդունելով այն օրենքների դրույթները որոնք ուժի մեջ են եղել կամ ըստ էության ուժի մեջ են եղել հաշվետու ամսաթվի դրությամբ:

Հետաձգված հարկի չափումն արտացոլում է այն հարկային հետևանքները որոնք կարող են առաջանալ եթե Ընկերությունը կիրառի այն մոտեցումը, որով ակնկալվում է վերականգնել կամ մարել իր ակտիվների և պարտավորությունների հաշվեկշռային արժեքը հաշվետու ժամանակաշրջանի վերջում:

Հետաձգված հարկային ակտիվները և պարտավորությունները հաշվանցվում են եթե Ընկերությունն ունի ընթացիկ հարկային ակտիվներն ընթացիկ հարկային պարտավորությունների դիմաց հաշվանցելու իրավաբանորեն ամրագրված իրավունք և հետաձգված հարկային ակտիվներն ու հետաձգված հարկային պարտավորությունները վերաբերում են շահութահարկին որը գանձվում է նույն հարկային մարմնի կողմից նույն հարկատուից կամ տարբեր հարկատուներից սակայն Ընկերությունը մտադիր է հարկային պարտավորությունները մարել և հարկային ակտիվներն իրացնել զուտ հիմունքով կամ միաժամանակ իրացնել հարկային ակտիվներն ու մարել հարկային պարտավորությունները:

(է) Պաշարներ և վաճառքի ինքնարժեք

Պաշարները չափվում են սկզբնական արժեքից և իրացման զուտ արժեքից նվազագույնով: Պաշարների սկզբնական արժեքը հաշվարկվում է “առաջինը՝ մուտք առաջինը՝ ելք” սկզբունքով և ներառում է պաշարների ձեռք բերման ծախսումները արտադրական կամ փոխարկման ծախսումները և դրանք ներկա գտնվելու վայր և վիճակի բերելու հետ կապված այլ ծախսումներ: Արտադրված պաշարների և անավարտ արտադրանքի դեպքում սկզբնական արժեքը ներառում է արտադրական վերադիր ծախսումների համապատասխան մասը՝ հիմք ընդունելով արտադրական նորմատիվային հզորությունը:

Իրացման զուտ արժեքը սովորական գործունեության ընթացքում վաճառքի գնահատված գինն է՝ հանած համալրման և վաճառքը կազմակերպելու համար գնահատված ծախսումները:

Ընկերության մոլիբդենի խտանյութի գնման պայմանագրերը սովորաբար նախատեսում են պայմանական վճարումներ ինչպես նշված է առանձին պայմանագրերում՝ հիմք ընդունելով նմուշների հետազոտության նախնական արդյունքները և մետաղի սփոթ գները: Վերջնահաշվարկը կատարվում է ելնելով մետաղի միջին շուկայական գներից՝ միջինացված գնանշման որոշակի ապագա ժամանակահատվածի համար: Որպես կանոն մոլիբդենի խտանյութի համար գնանշման ապագա ժամանակաշրջանը կազմում է մինչև երկու ամիս՝ առաքման ամսից հետո:

Ընկերության պայմանականորեն գնանշվող գնման պայմանագրերը ներառում են պարունակվող ածանցյալ գործիքներ որոնք պետք է առանձնացվեն հիմնական պայմանագրից՝ հաշվապահական հաշվառման նպատակներով: Պարունակվող ֆինանսական գործիքը որն իրենից ներկայացնում է վերջնահաշվարկի գինը ճշգրտված ապագա գնով ֆինանսական վիճակի մասին հաշվետվությունում գրանցվում է որպես կրեդիտորական պարտք կամ վճարված կանխավճար և յուրաքանչյուր ժամանակաշրջանում վերագնահատվում է (իրական արժեք) վաճառքի ինքնարժեքի միջոցով:

(ը) Այլ ծախսեր

Սոցիալական ծրագրերի գծով ծախսումներ

Այն չափով որքանով սոցիալական ծրագրերին Ընկերության հատկացումները ծառայում են հանրության շահերին և չեն սահմանափակվում Ընկերության աշխատակիցներով դրանք ճանաչվում են շահույթում կամ վնասում՝ առաջանալուն պես:

(թ) Հիմնական միջոցներ

(i) Ճանաչում և չափում

Հիմնական միջոցների միավորները չափվում են սկզբնական արժեքով՝ հանած կուտակված մաշվածությունը և արժեզրկումի կորուստները:

Սկզբնական արժեքը ներառում է ակտիվի ձեռք բերմանն ուղղակիորեն վերագրելի ծախսումները: Սեփական ուժերով կառուցված ակտիվների սկզբնական արժեքը ներառում է նյութերի արժեքը ուղղակի աշխատուժի գծով ծախսերը ակտիվն իր նպատակային օգտագործման համար աշխատանքային վիճակի բերելու հետ անմիջականորեն կապված ցանկացած այլ ծախսումները ակտիվի ապատեղակայման և քանդման ծախսերը տեղանքի վերականգնման ծախսերը և կապիտալացված փոխառության ծախսումները: Ձեռքբերված համակարգչային ծրագիրը որը հանդիսանում է համապատասխան սարքավորման ֆունկցիոնալության անբաժանելի մասը կապիտալացվում է որպես սարքավորման մաս:

Երբ հիմնական միջոցի միավորը բաղկացած է օգտակար ծառայության տարբեր ժամկետ ունեցող խոշոր բաղկացուցիչներից այդ բաղկացուցիչները հաշվառվում են որպես հիմնական միջոցների առանձին միավորներ (հիմնական բաղկացուցիչներ):

Հիմնական միջոցի միավորի օտարումից ստացված շահույթը և վնասը որոշվում են համեմատելով օտարումից ստացված մուտքերը հիմնական միջոցի հաշվեկշռային արժեքի հետ և ճանաչվում են զուտ հիմունքով “Այլ եկամուտ/Այլ ծախս” հոդվածում՝ շահույթում կամ վնասում:

(ii) Հետագա ծախսումներ

Հիմնական միջոցների բաղկացուցչի փոխարինման ծախսերը ճանաչվում են միավորի հաշվեկշռային արժեքում, երբ հավանական է, որ Ընկերություն կհոսեն այդ միավորի հետ կապված ապագա տնտեսական օգուտները և վերջինիս արժեքը հնարավոր կլինի արժանահավատորեն չափել: Փոխարինվող բաղկացուցչի հաշվեկշռային արժեքն ապաճանաչվում է: Հիմնական միջոցների ամենօրյա սպասարկման ծախսումները ճանաչվում են շահույթում կամ վնասում՝ առաջանալուն պես:

(iii) Մաշվածություն

Հիմնական միջոցների միավորների մաշվածության հաշվարկը սկսվում է դրանց տեղադրման և շահագործման հանձնելու պահից իսկ սեփական ուժերով կառուցված ակտիվների դեպքում՝ վերջիններիս կառուցումն ավարտելու և շահագործման հանձնելու պահից: Մաշվածությունը հաշվարկվում է ակտիվի սկզբնական արժեքի հիման վրա՝ հանած դրա մնացորդային արժեքը:

Մաշվածությունը ճանաչվում է շահույթում կամ վնասում՝ կիրառելով գծային մեթոդը հիմնական միջոցների միավորի յուրաքանչյուր մասի օգտակար ծառայության գնահատված ժամկետի ընթացքում քանի որ այս մեթոդն առավել ճիշտ է արտացոլում ակտիվի հետ կապված ապագա տնտեսական օգուտների օգտագործման մոդելը: Հոդատարածքի գծով մաշվածություն չի հաշվառվում: Հիմնական միջոցների խոշոր միավորների օգտակար ծառայության գնահատված ժամկետներն ընթացիկ և համադրելի ժամանակաշրջանների համար հետևյալն են.

- | | |
|-------------------------|---------------|
| • շենքեր | 12-ից 40 տարի |
| • մեքենա-սարքավորումներ | 5-ից 20 տարի |
| • փոխադրամիջոցներ | 2-ից 9 տարի |
| • տնտեսական գույք | 1-ից 5 տարի |

Մաշվածության հաշվարկի մեթոդները օգտակար ծառայության ժամկետները և մնացորդային արժեքները վերանայվում են յուրաքանչյուր հաշվետու ամսաթվի դրությամբ և անհրաժեշտության դեպքում՝ ճշգրտվում:

(Ժ) Ֆինանսական գործիքներ

Ընկերությունը դասում է ոչ ածանցյալ ֆինանսական ակտիվները փոխառությունների և դեբիտորական պարտքերի ու վաճառքի համար մատչելի ֆինանսական ակտիվների դասերին:

Ընկերությունը դասում է ոչ ածանցյալ ֆինանսական պարտավորություններն այլ ֆինանսական պարտավորությունների դասին:

(i) Ոչ ածանցյալ ֆինանսական ակտիվներ և ֆինանսական պարտավորություններ - ճանաչում և ապաճանաչում

Ընկերությունը փոխառությունները և դեբիտորական պարտքերի սկզբնապես ճանաչումն իրականացնում է դրանց առաջացման օրը: Բոլոր այլ ֆինանսական ակտիվների և ֆինանսական պարտավորությունների սկզբնական ճանաչումը տեղի է ունենում առք ու վաճառքի օրը երբ Ընկերությունը դառնում է գործիքի պայմանագրային դրույթների կողմ:

Ընկերությունն ապաճանաչում է ֆինանսական ակտիվը երբ ֆինանսական ակտիվից առաջացող դրամական հոսքերի նկատմամբ պայմանագրային իրավունքները կորցնում են իրենց ուժը կամ երբ փոխանցում է ֆինանսական ակտիվից դրամական հոսքերի ստացման պայմանագրային իրավունքներն այնպիսի գործարքում որում փոխանցվում են ֆինանսական ակտիվի սեփականության հետ կապված ըստ էության բոլոր ռիսկերն ու հատույցները: Մասնակցությունը փոխանցված ակտիվում որն առաջացել կամ պահպանվել է Ընկերության կողմից ճանաչվում է որպես առանձին ակտիվ կամ պարտավորություն:

Ընկերությունն ապաճանաչում է ֆինանսական պարտավորությունը, երբ պայմանագրում նշված պարտականությունը կատարվում է կամ չեղյալ է համարվում կամ ուժը կորցնում է:

Ֆինանսական ակտիվները և պարտավորությունները հաշվանցվում են՝ ֆինանսական վիճակի մասին հաշվետվությունում ներկայացվելով զուտ գումարով միայն այն դեպքում երբ Ընկերությունն ունի ճանաչված գումարները հաշվանցելու ներկայումս իրագործելի իրավաբանորեն ամրագրված իրավունք ինչպես նաև հաշվարկը զուտ հիմունքով իրականացնելու կամ միաժամանակ ակտիվն իրացնելու և պարտավորությունը մարելու մտադրություն: Ընկերությունն ունի հաշվանցում կատարելու ներկայումս իրագործելի իրավաբանորեն ամրագրված իրավունքը եթե այդ իրավունքը կախված չէ ապագա դեպքերից և իրագործելի է թե՛ բնականոն գործունեության և թե՛ Ընկերության ու բոլոր պայմանագրային կողմերի կողմից պարտականությունների չկատարման վերջիններիս լուծարման կամ սնանկացման դեպքում:

Փոխառություններ և դեբիտորական պարտքեր

Փոխառությունները և դեբիտորական պարտքերը ֆիքսված կամ որոշելի վճարումներով ֆինանսական ակտիվներն են որոնք գնանշված չեն գործող շուկայում: Այս ակտիվների սկզբնական ճանաչումը տեղի է ունենում իրական արժեքով՝ գումարած ուղղակիորեն վերագրելի գործարքի հետ կապված ծախսումները: Սկզբնական ճանաչումից հետո փոխառությունները և դեբիտորական պարտքերը չափվում են ամորտիզացված արժեքով՝ կիրառելով արդյունավետ տոկոսադրույքի մեթոդը՝ հանած արժեզրկումից կորուստները:

Փոխառություններ և դեբիտորական պարտքեր դասը ներառում է տրված փոխառությունները առևտրական դեբիտորական պարտքերը ժամկետային ավանդները և դրամական միջոցները և դրանց համարժեքները:

Դրամական միջոցներ և դրանց համարժեքներ

Դրամական միջոցներ և դրանց համարժեքներ են համարվում կանխիկ միջոցները և ընթացիկ բանկային հաշիվները:

Վաճառքի համար մատչելի ֆինանսական ակտիվներ

Վաճառքի համար մատչելի ֆինանսական ակտիվներն իրենցից ներկայացնում են այն ոչ ածանցյալ ֆինանսական ակտիվները որոնք նախատեսված են որպես վաճառքի համար մատչելի կամ դասակարգված չեն ֆինանսական գործիքների այլ դասին: Այս ակտիվների սկզբնական ճանաչումը տեղի է ունենում իրական արժեքով՝ գումարած գործարքին ուղղակիորեն վերագրելի բոլոր ծախսերը: Սկզբնական ճանաչումից հետո այս ֆինանսական ակտիվները չափվում են իրական արժեքով՝ որի փոփոխությունները բացառությամբ արժեզրկումից կորուստների և վաճառքի համար մատչելի պարտքային գործիքների գծով փոխարժեքային տարբերությունների ճանաչվում են այլ համապարփակ ֆինանսական արդյունքներում և ներկայացվում են սեփական կապիտալում՝ իրական արժեքի պահուստում: Երբ ներդրումն ապաճանաչվում կամ արժեզրկվում է սեփական կապիտալում կուտակված շահույթը կամ վնասը վերադասակարգվում է շահույթի կամ վնասի: Չգնանշվող բաժնային գործիքները որոնց իրական արժեքը հնարավոր չէ արժանահավատորեն չափել հաշվառվում են սկզբնական արժեքով:

(ii) Ոչ ածանցյալ ֆինանսական պարտավորություններ - չափում

Այս ֆինանսական պարտավորությունների սկզբնական ճանաչումը տեղի է ունենում իրական արժեքով՝ հանած գործարքին ուղղակիորեն վերագրելի բոլոր ծախսերը: Սկզբնական ճանաչումից հետո այս ֆինանսական պարտավորությունները չափվում են ամորտիզացված արժեքով՝ կիրառելով արդյունավետ տոկոսադրույքի մեթոդը:

Այլ ֆինանսական պարտավորությունները ներառում են վարկերը և փոխառություններն ու առևտրական և այլ կրեդիտորական պարտքերը:

(iii) Ածանցյալ ֆինանսական գործիքներ

Ընկերությունն ունի պարունակվող ածանցյալ ֆինանսական գործիքներ, որոնք վերաբերում են մոլիբդենի խտանյութի առքի և ֆերոմոլիբդենի ու եռակալված մետաղական մոլիբդենի վաճառքի գործարքներին:

Ածանցյալ գործիքների սկզբնական ճանաչումը տեղի է ունենում իրական արժեքով իսկ գործարքին ուղղակիորեն վերագրելի ծախսերը ճանաչվում են շահույթում կամ վնասում՝ կատարվելուն պես: Սկզբնական ճանաչումից հետո ածանցյալ գործիքները չափվում են իրական արժեքով և դրա փոփոխությունները ճանաչվում են անմիջապես շահույթում կամ վնասում:

Պարունակվող ածանցյալ գործիքներն առանձնացվում են հիմնական պայմանագրից և հաշվառվում են առանձին եթե պարունակվող ածանցյալ գործիքի ու հիմնական պայմանագրի տնտեսական բնութագրերը և ռիսկերը սերտորեն կապված չեն առանձին գործիքը որի պայմանները նման են պարունակվող ածանցյալ գործիքի պայմաններին բավարարում է ածանցյալ գործիքի սահմանմանը և համակցված գործիքը չի չափվում իրական արժեքով շահույթի կամ վնասի միջոցով: Առանձնացվող պարունակվող ածանցյալ գործիքի իրական արժեքի փոփոխությունները ճանաչվում են անմիջապես շահույթում կամ վնասում:

(հ) Բաժնեդիրական կապիտալ

Սովորական բաժնետոմսեր

Սովորական բաժնետոմսերը դասակարգվում են որպես սեփական կապիտալ: Սովորական բաժնետոմսերի և բաժնետոմսերի օպցիոնների թողարկմանն ուղղակիորեն վերագրելի լրացուցիչ ծախսումները ճանաչվում են որպես սեփական կապիտալի նվազեցում՝ առանց հաշվի առնելու հարկային հետևանքները:

(յ) Արժեզրկում

(i) Ոչ ածանցյալ ֆինանսական ակտիվներ

Ֆինանսական ակտիվը, որը չի չափվում իրական արժեքով շահույթի կամ վնասի միջոցով գնահատվում է յուրաքանչյուր հաշվետու ամսաթվի դրությամբ՝ արժեզրկման անկողմնակալ վկայություն հայտնաբերելու նպատակով: Ֆինանսական ակտիվը համարվում է արժեզրկված եթե անկողմնակալ վկայությունը ցույց է տալիս որ ակտիվի սկզբնական ճանաչումից հետո տեղի է ունեցել կորստի դեպք և այդ կորստի դեպքը բացասական ազդեցություն է ունեցել տվյալ ֆինանսական ակտիվի ապագա գնահատված դրամական հոսքերի վրա որը հնարավոր է արժանահավատորեն գնահատել:

Ֆինանսական ակտիվների (ներառյալ բաժնային արժեթղթերի) արժեզրկման անկողմնակալ վկայությունը կարող է ներառել՝

- պարտականությունների չկատարումը կամ վճարումների հետաձգումը պարտապանի կողմից
- Ընկերությանը վճարվելիք գումարի պայմանների այնպիսի վերանայումը որն Ընկերությունն այլ հանգամանքներում չէր դիտարկի
- Պարտապանի կամ թողարկողի սնանկացման հայտանիշները
- Փոխառուների կամ թողարկողների վճարումների կարգավիճակի բացասական փոփոխությունները
- Տնտեսական պայմանները որոնք կապված են պարտականությունների չկատարման հետ
- Ակտիվ շուկայի վերացումն արժեթղթի համար կամ
- Դիտարկելի տվյալները որոնք վկայում են ֆինանսական ակտիվների խմբից ակնկալվող դրամական միջոցների հոսքերի չափելի նվազեցման մասին:

Բացի այդ բաժնային արժեթղթերում կատարած ներդրումների համար արժեզրկման անկողմնակալ վկայություն է համարվում իրական արժեքի էական կամ երկարաձգված նվազումը սկզբնական արժեքից:

Ամորտիզացված արժեքով չափվող ֆինանսական ակտիվներ

Ընկերությունն այս ակտիվների արժեզրկման վկայությունը դիտարկում է թե՛ առանձին և թե՛ հավաքական հիմունքներով: Բոլոր առանձին վերցված նշանակալի ակտիվները գնահատվում են արժեզրկման տեսանկյունից՝ առանձին հիմունքով: Եթե բոլոր առանձին վերցված նշանակալի ակտիվների արժեզրկման առանձին վկայություն չի հայտնաբերվում ապա դրանք գնահատվում են հավաքական հիմունքով՝ տեղի ունեցած սակայն չբացահայտված արժեզրկման վկայություն հայտնաբերելու նպատակով: Ակտիվները որոնք առանձին վերցված նշանակալի չեն գնահատվում են արժեզրկման տեսանկյունից հավաքական հիմունքով՝ խմբավորելով դիսկի համանման բնութագրերով ակտիվները:

Հավաքական արժեզրկումը գնահատելիս՝ Ընկերությունը դիտարկում է պարտականությունների չկատարման նախկինում առկա միտումները մարումների ժամկետները կրած վնասի գումարը որոնք ճշգրտվում են հաշվի առնելով ղեկավարության դատողությունները թե արդյոք ներկա տնտեսական և պարտքային պայմանները թույլ են տալիս որպեսզի փաստացի վնասն ավել կամ պակաս լինի նախկինում առկա պատմական տվյալներից:

Արժեզրկումից կորուստը հաշվարկվում է որպես ակտիվի հաշվեկշռային արժեքի և այդ ակտիվի՝ սկզբնական արդյունավետ տոկոսադրույքով զեղչված դրամական միջոցների գնահատված ապագա հոսքերի ներկա արժեքի միջև տարբերություն: Կորստի գումարը ճանաչվում է շահույթում կամ վնասում և արտացոլվում է պահուստային հաշվում: Եթե Ընկերությունը գտնում է որ չկա ակտիվը վերականգնելու իրատեսական հնարավորություն համապատասխան գումարները դուրս են գրվում: Ընկերությունը շարունակում է ճանաչել արժեզրկված ակտիվի գծով տոկոսները զեղչի ծախսագրման միջոցով: Եթե հետագայում տեղի ունեցած դեպքը հանգեցնում է արժեզրկումից կորստի գումարի նվազեցմանը և այդ նվազեցումը կարելի է անկողմնակալորեն կապել արժեզրկումից կորստի ճանաչումից հետո տեղի ունեցած իրադարձությանը ապա արժեզրկումից կորստի գումարի նվազեցումը հակադարձվում է շահույթի կամ վնասի միջոցով:

Վաճառքի համար մատչելի ֆինանսական ակտիվներ

Վաճառքի համար մատչելի ֆինանսական ակտիվների գծով արժեզրկումից կորուստները ճանաչվում են սեփական կապիտալում իրական արժեքի պահուստի ծով կուտակված վնասը վերադասակարգելով շահույթի կամ վնասի: Կուտակված վնասը որը սեփական կապիտալից վերադասակարգվում է շահույթի կամ վնասի կազմ հանդիսանում է ձեռքբերման արժեքի՝ հանած մայր գումարի մարումները ու մաշվածությունը և ընթացիկ իրական արժեքի՝ հանած նախկինում շահույթում կամ վնասում ճանաչված արժեզրկումից կորուստները միջև տարբերությունը: Արդյունավետ տոկոսադրույքի մեթոդի կիրառմանը վերագրելի արժեզրկման գծով պահուստի փոփոխություններն արտացոլվում են որպես տոկոսային եկամտի բաղադրիչ: Եթե հետագա ժամանակաշրջանում արժեզրկված վաճառքի համար մատչելի պարտքային արժեթղթի իրական արժեքն աճում է և այդ աճը հնարավոր է անկողմնակալորեն կապել շահույթում կամ վնասում արժեզրկումից կորստի ճանաչումից հետո տեղի ունեցած իրադարձությանը ապա արժեզրկումից կորուստը հակադարձվում է իսկ հակադարձված գումարը ճանաչվում է շահույթում կամ վնասում: Այնուամենայնիվ արժեզրկված վաճառքի համար մատչելի բաժնային արժեթղթի իրական արժեքի ցանկացած հետագա վերականգնումը ճանաչվում է այլ համապարփակ ֆինանսական արդյունքում: Սկզբնական արժեքով հաշվառվող վաճառքի համար մատչելի ֆինանսական ակտիվները ներառում են չգնանշվող բաժնային գործիքները որոնք չեն հաշվառվում իրական արժեքով քանի որ վերջիններիս իրական արժեքը հնարավոր չէ արժանահավատորեն չափել: Եթե գոյություն ունի նման ներդրումների արժեզրկման անկողմնական վկայություն արժեզրկումից կորուստը հաշվարկվում է որպես ներդրման հաշվեկշռային արժեքի և համանման ֆինանսական ակտիվի համար ընթացիկ շուկայական հատույցադրույքով զեղչված ապագա գնահատված դրամական հոսքերի ներկա արժեքի միջև տարբերություն: Նման ներդրումների գծով արժեզրկումից կորուստները ճանաչվում են շահույթում կամ վնասում և ենթակա չեն հակադարձման:

Բաժնեմասնակցության մեթոդով հաշվառվող ներդրման օբյեկտներ

Բաժնեմասնակցության մեթոդով հաշվառվող ներդրման օբյեկտի գծով արժեզրկումից կորուստը չափվում է համեմատելով ներդրման փոխհատուցվող գումարը վերջինիս հաշվեկշռային արժեքի հետ: Արժեզրկումից կորուստը ճանաչվում է շահույթում կամ վնասում և հակադարձվում է այն դեպքում երբ տեղի է ունեցել նպաստավոր փոփոխություն փոխհատուցվող գումարը որոշելու համար օգտագործվող գնահատականներում:

(ii) Ոչ ֆինանսական ակտիվներ

Ընկերության ոչ ֆինանսական ակտիվների բացառությամբ պաշարների և հետաձգված հարկային ակտիվների հաշվեկշռային արժեքը վերանայվում է յուրաքանչյուր հաշվետու ամսաթվի դրությամբ՝ որոշելու արդյոք առկա է որևէ հայտանիշ ըստ որի ակտիվը կարող է արժեզրկված համարվել: Եթե որևէ այդպիսի հայտանիշ առկա է ապա գնահատվում են ակտիվի փոխհատուցվող գումարը:

Արժեզրկման ստուգման նպատակով ակտիվները որոնց արժեզրկումը հնարավոր չէ գնահատել անհատական հիմունքով խմբավորվում են ակտիվների փոքրագույն խմբերի որոնք շարունակական օգտագործման արդյունքում առաջացնում են այլ ակտիվներից կամ ակտիվների խմբերից կամ դրամաստեղծ միավորից մեծապես անկախ դրամական միջոցների ներհոսքեր:

Ակտիվի կամ դրամաստեղծ միավորի փոխհատուցվող գումարը որոշվում է որպես հետևյալ երկու մեծություններից առավելագույնը. օգտագործման արժեք և իրական արժեք՝ հանած վաճառքի ծախսերը: Օգտագործման արժեքը գնահատելիս դրամական միջոցների գնահատված ապագա հոսքերը զեղչվում են՝ օգտագործելով մինչև հարկումը զեղչման այն դրույքը որն արտացոլում է ժամանակի մեջ դրամի արժեքի տվյալ շուկայի ներկա գնահատականը և այդ ակտիվին կամ դրամաստեղծ միավորին բնորոշ ռիսկերը:

Արժեզրկումից կորուստ ճանաչվում է երբ ակտիվի կամ նրա դրամաստեղծ միավորի հաշվեկշռային արժեքը գերազանցում է վերջինիս գնահատված փոխհատուցվող գումարը:

Արժեզրկումից կորուստները ճանաչվում են շահույթում կամ վնասում: Դրամաստեղծ միավորների գծով ճանաչված արժեզրկումից կորուստները տեղաբաշխվում են՝ դրամաստեղծ միավորի կազմի մեջ մտնող ակտիվների հաշվեկշռային արժեքները հավասարաչափ հիմունքով նվազեցնելու համար:

Նախորդ ժամանակաշրջաններում ճանաչված արժեզրկումից կորուստները գնահատվում են յուրաքանչյուր հաշվետու ամսաթվի դրությամբ՝ բացահայտելու թե առկա է արդյոք որևէ հայտանիշ ըստ որի արժեզրկումից կորուստը հնարավոր է որ այլևս գոյություն չունի կամ նվազել է: Արժեզրկումից կորուստը հակադարձվում է եթե փոխվել են փոխհատուցվող գումարը որոշելու համար օգտագործվող գնահատումները: Արժեզրկումից կորուստը հակադարձվում է միայն այն չափով որ ակտիվի հաշվեկշռային արժեքը չգերազանցի այն հաշվեկշռային արժեքը որը որոշված կլինի առանց համապատասխան մաշվածության և ամորտիզացիայի եթե արժեզրկումից կորուստ ճանաչված չլինի:

(ի) Պահուսպներ

Պահուստը ճանաչվում է երբ Ընկերությունը՝ որպես անցյալ դեպքերի արդյունք ունի ընթացիկ իրավական կամ կառուցողական պարտավորություն որը հնարավոր է արժանահավատորեն գնահատել և հավանական է որ այդ պարտավորությունը մարելու նպատակով կպահանջվի տնտեսական օգուտների արտահոսք: Պահուստները որոշվում են ակնկալվող դրամական միջոցների ապագա հոսքերը զեղչելով հարկումից առաջ այն դրույքով որն արտացոլում է տվյալ շուկայում փողի ժամանակային արժեքը և այդ պարտավորությանը հատուկ ռիսկերը: Զեղչի ծախսագրումը ճանաչվում է որպես ֆինանսական ծախս:

(ծ) Մեկ բաժնետոմսին բաժին ընկնող շահույթ

Ընկերությունը ներկայացնում է մեկ բաժնետոմսին բաժին ընկնող բազային և նոսրացված շահույթի մասին տեղեկատվություն իր սովորական բաժնետոմսերի համար: Մեկ բաժնետոմսին բաժին ընկնող բազային շահույթը հաշվարկվում է Ընկերության սովորական բաժնետոմսերի տիրապետողներին վերագրվող շահույթը կամ վնասը բաժանելով այդ ժամանակաշրջանի ընթացքում շրջանառության մեջ գտնվող սովորական բաժնետոմսերի կշռված միջին թվին՝ սեփական բաժնետոմսերի քանակի ճշգրտումով: Մեկ բաժնետոմսին բաժին ընկնող նոսրացված շահույթը հաշվարկելու նպատակով Ընկերությունը ճշգրտում է իր սովորական բաժնետոմսերի տիրապետողներին վերագրվող շահույթը կամ վնասը և շրջանառության մեջ գտնվող բաժնետոմսերի կշռված միջին թիվը՝ սեփական բաժնետոմսերի քանակի ճշգրտումով՝ բոլոր նոսրացնող պոտենցիալ սովորական բաժնետոմսերի ազդեցությունը հաշվի առնելու համար:

(կ) Սեզմենտային հաշվետվություններ

Գործառնական սեզմենտը Ընկերության այն բաղադրիչն է որը ներգրավված է ձեռնարկատիրական գործունեություններում որոնցից այն կարող է վաստակել հասույթներ և կրել ծախսեր ներառյալ Ընկերության այլ բաղադրիչների հետ գործառնություններին վերաբերող հասույթները և ծախսերը: Բոլոր գործառնական սեզմենտների գործառնական արդյունքները կանոնավոր կերպով վերանայվում են Խորհրդի կողմից՝ սեզմենտին միջոցների բաշխման վերաբերյալ որոշում կայացնելու և դրա գործունեության արդյունքները գնահատելու նպատակով: Ղեկավարությունը գտնում է որ Ընկերությունը բաղկացած է մեկ գործառնական սեզմենտից:

7 Հիմնական միջոցներ

2021թ.-ի երկրորդ եռամսյակի ընթացքում ընկերությունը ձեռք է բերել 372 960 հազար դրամի (2020թ.-ի երկրորդ եռամսյակի ընթացքում՝ 503 156 հազար դրամի) հիմնական միջոցներ և օտարել է 2 379 հազար դրամի (2020թ.-ի երկրորդ եռամսյակի ընթացքում՝ 992 հազար դրամի) հաշվեկշռային արժեքով հիմնական միջոցներ:

8 Կապակցված կողմեր

(ա) Վերահսկողություն

Ընկերության անմիջական մայր կազմակերպությունն է հանդիսանում Cronimet Ferroleg GmbH-ը: Ընկերության վերջնական մայր կազմակերպությունն է Cronimet Holding GmbH-ը որը վերահսկվում է Պիլարսկի ընտանիքի կողմից:

(բ) Գործարքներ առնացքային ղեկավար անձնակազմի հետ

2020թ.-ի ընթացքում առնացքային ղեկավար անձնակազմը ստացել է ստորև ներկայացված վարձատրությունը:

հազ. դրամ	01.01.21թ. - 30.06.21թ.	01.01.20թ.-30.06.20թ.
Աշխատավարձ և պարգևատրումներ	115 526	110 945

(գ) Գործարքներ այլ կապակցված կողմերի հետ

հազ. դրամ	Գործարքի գումարը		Մնացորդը առ	
	01/01/2021- 30/06/2021	01/01/2020- 30/06/2020	30.06.2021	30.06.2020
Արտադրանքի և ծառայությունների վաճառք				
Պիլարսկի ընտանիքի ընդհանուր վերահսկողության ներքո գտնվող կազմակերպություններ	4 016 179	4 211 290	883 663	1 408 060
Նյութերի և ծառայությունների ձեռքբերում				
Վերջնական մայր կազմակերպություն	20 605	3 562	10 018	1 782
Պիլարսկի ընտանիքի ընդհանուր վերահսկողության ներքո գտնվող կազմակերպություններ (նյութեր)	-	-	9 678 800	9 678 800

Նյութերի ձեռքբերման գործարքների մնացորդները վերաբերում են մոլիբդենի խտանյութի գնման համար տրված կանխավճարներին: Մատակարարման պայմանագրի համաձայն՝ խտանյութը պետք է մատակարարվի մինչև 2021թ.-ի ավարտը: Տոկոսները գանձվում են մնացորդի գծով նախքան մատակարարումը՝ մեկ ամսվա Libor գումարած 4.95% տոկոսադրույքով: 2021թ-ի երկրորդ եռամսյակի ընթացքում մնացորդի գծով հաշվեգրված տոկոսային եկամուտը կազմել է 264 485 հազար դրամ 2020թ-ի երկրորդ եռամսյակի ընթացքում մնացորդի գծով հաշվեգրված տոկոսային եկամուտը կազմել է 296 230 հազար դրամ:

հազ. դրամ	Տոկոսային եկամուտ		Մնացորդը առ	
	01.01.21թ. - 30.06.21թ.	01.01.20թ. - 30.06.20թ.	30.06.21թ.	30.06.2020թ.
Տրված փոխառություններ				
Վերջնական մայր կազմակերպություն	-	31 739	-	-

Փոխառությանը կրում էր տարեկան երեք ամսյա Libor գումարած 1% տոկոսադրույք և մարվել է 2020թ. մայիսին:

«ՄԱՔՈՒՐ ԵՐԿԱԹԻ ԳՈՐԾԱՐԱՆ»

ԲԱՑ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ

ԿԱՌԱՎԱՐՄԱՆ ՄԱՐՄԻՆՆԵՐԻ ՄԻՋԱՆԿՅԱԼ ԶԵԿՈՒՅՑ

Ներածություն

«Մաքուր երկաթի գործարան» բաց բաժնետիրական ընկերությունը (Ընկերություն) 1968թ. հիմնադրված Մաքուր երկաթի փորձա-արդյունաբերական գործարանի իրավահաջորդն է: Գործարանը 1995թ. սեփականաշնորհման արդյունքում վերակազմավորվել է «Մաքուր երկաթի գործարան» բաց բաժնետիրական ընկերության:

Ընկերության հիմնական գործունեությունը ֆերոմոլիբդենի և եռակալված մետաղական մոլիբդենի արտադրությունն է: 2015թ. Ընկերությունը սկսել է մատուցել մոլիբդենի խտանույթի վերամշակման ծառայություններ: 2016թ. Ընկերությունը ժամանակավորապես դադարեցրեց եռակալված մետաղական մոլիբդենի արտադրությունը՝ տեխնոլոգիական վերազինում իրականացնելու նպատակով: 2020թ. -ից Ընկերությունը սկսել է արտադրել և վաճառել պղնձի տեխնիկական օքսիդ:

Ընկերության հասարակ անվանական բաժնետոմսերը ցուցակված են «ՆԱՍԴԱՔ ՕԷՄԷՔՍ ԱՐՄԵՆԻԱ» ԲԲԸ-ի կողմից: Ընկերությունը՝ որպես հաշվետու թողարկող հետևում է ՀՀ Կառավարության 30.12.2010թ. թիվ 1769-Ա որոշմամբ հաստատված Հայաստանի Հանրապետության Կորպորատիվ կառավարման կանոնագրքի դրույթներին:

1. Ընկերության գործունեության հիմնական ցուցանիշները 2021թ. -ին

Ընկերության 2021թ-ի առաջին կիսամյակի հասույթը կազմել է 4 057 431 հազ ՀՀ դրամ, որից 4 007 201 հազ. ՀՀ դրամը ձևավորվել է Զանգեզուրի Պղնձամոլիբդենային Կոմբինատ ՓԲԸ-ին մոլիբդենի կոնցենտրատի վերամշակման ծառայությունների մատուցումից: Այսպես, 2021թ-ի առաջին կիսամյակում Ընկերությունը վերամշակել է 3 756 տոննա մոլիբդենի կոնցենտրատ՝ 1 609 տոննա մոլիբդեն մետաղի պարունակությամբ (2020թ նույն ժամանակահատվածում 4 241 տոննա կոնցենտրատ՝ 1 794 տոննա մոլիբդենի պարունակությամբ):

Ընկերության կայուն զարգացումն ապահովելու էկոլոգիապես ավելի բարենպաստ արտադրություն կազմակերպելու և աշխատանքի պայմանների բարելավման նպատակով Ընկերությունը 2021թ-ի առաջին կիսամյակում ձեռք է բերել 372 960 հազ. ՀՀ դրամի հիմնական միջոցներ (2020թ-ին՝ 503 156 հազ ՀՀ դրամ):

2021թ-ի առաջին կիսամյակում Ընկերության շահութահարկի գծով ընթացիկ հարկի ծախսը կազմել է 281 231 հազ. ՀՀ դրամ (2020թ-ին՝ 331 816 հազ. ՀՀ դրամ), որի գծով կատարվել է 77 514 հազ. ՀՀ դրամ կանխավճար (2020թ-ին՝ 375 039 հազ. ՀՀ դրամ):

Ընկերության աշխատակիցների միջին թիվը և միջին աշխատավարձի մեծությունը ներկայացված է ստորև՝

Աղյուսակ 1. Աշխատակիցների միջին թվաքանակ և միջին ամսական աշխատավարձ

Ցուցանիշ	2021 Երկրորդ եռամսյակ	2020 Երկրորդ եռամսյակ
Աշխատակիցների միջին ցուցակային թիվ (մարդ)	417	421
Աշխատավարձի ֆոնդ (հազ. ՀՀ դրամ)	910 127	990 166
Միջին ամսական աշխատավարձ (հազ. ՀՀ դրամ)	364	392

Ստորև ներկայացված են Ընկերության ֆինանսատնտեսական գործունեությունը բնութագրող ամփոփ գործակիցներ՝

Աղյուսակ 2. Ամփոփ ֆինանսական գործակիցներ

Ցուցանիշի անվանումը	30.06.2021թ.	30.06.2020թ.
Զուտ շահույթը մեկ բաժնետոմսի հաշվով (EPS) հազ ՀՀ դրամ	11.45	21.88
Սեփական կապիտալի շահութաբերություն (ROE)%	3.20	5.10
Ակտիվների շահութաբերություն (ROA) %	2.57	3.93
Զուտ շահույթի մարժա (NPM) %	19.50	35.90
Կապիտալի համարժեքության գործակից %	80.25	77.2
Բացարձակ իրացվելության գործակից	0.27	0.17
Արագ իրացվելության գործակից	3.77	0.75
Ընթացիկ իրացվելության գործակից	3.90	0.83
Դեբիտորական պարտքերի շրջանառելիության գործակից	5.84	3.07
Դեբիտորական պարտքերի շրջապտույտի տևողությունն օրերով	30.81	58.63
Պաշարների շրջանառելիության գործակից	3.69	3.71
Պաշարների շրջապտույտի տևողությունն օրերով	48.81	48.51
Կրեդիտորական պարտքերի շրջանառելիության գործակից	10.60	12.01
Կրեդիտորական պարտքերի շրջապտույտի տևողությունն օրերով	16.99	14.98

2. Ընկերության գործունեության հիմնական ռիսկերը

Ընկերության գործունեության վրա ազդող նշանակալի ռիսկերից է միջազգային շուկայում մետաղների գների փոփոխությունը ինչն ուղղակիորեն ազդում է Ընկերության արտադրանքի գնի վրա: Հաշվի առնելով այն հանգամանքը որ 2015թ-ի հունիս ամսից Ընկերությունը սկսել է աշխատել վերամշակման ծառայությունների մատուցման (կապալի) հիմունքով գների փոփոխության ռիսկը հիմնականում կրում է պատվիրատուն: Այնուամենայնիվ Ընկերությունը շարունակում է նաև գնել և

վերամշակել մոլիբդենի կոնցենտրատ սեփական արտադրության և վաճառքի նպատակով և գնային ռիսկը կառավարում է գնման և վաճառքի պայմանագրերի ճիշտ համադրման ճանապարհով: Հաջորդ կարևոր ռիսկն արժույթային ռիսկն է՝ այնքանով որքանով Ընկերության ֆունկցիոնալ արժույթը և այն արժույթները որոնցով արտահայտված են Ընկերության վաճառքները գնումները և ֆինանսական ներդրումները տարբեր են: Այդ գործարքները հիմնականում արտահայտված են ԱՄՆ դոլարով: Քանի որ Ընկերությունն ակնկալում է որ կապիտալ ներդրումների հետ կապված ծախսումները հիմնականում կկատարվեն արտարժույթով (հիմնական մեքենասարքավորումները պետք է ներմուծվեն արտերկրից) ֆինանսական ներդրումները ևս պահվում են արտարժույթով:

3. Ընկերության կանոնադրական կապիտալը բաժնետերերը և դրանց կազմի փոփոխությունը շահութաբաժինների վճարում

30.06.2021թ. դրությամբ Ընկերության կանոնադրական կապիտալը կազմել է 690 930 հազ. ՀՀ դրամ՝ բաժանված 10 000 ՀՀ դրամ անվանական արժեքով 69 093 հասարակ անվանական բաժնետոմսի:

30.06.2021թ. դրությամբ Ընկերության անվանական արժեթղթերի սեփականատերերի ռեեստրում գրանցված է եղել 17 անձ որոնցից երկուսը հանդիսացել են իրավաբանական (օտարերկրյա) իսկ մնացածը՝ ֆիզիկական անձինք:

30.06.2021թ. դրությամբ Ընկերության նշանակալից բաժնետերերն են եղել՝

1)Քրոնիմետ երկաթածուլվածքների Առևտրային ՍՊԸ (ԳԴՀ Կարլսրուիե Ջյուդեկենշտոասե 22) որը տիրապետել է Ընկերության 35 223 հասարակ անվանական բաժնետոմսերի, ինչը կազմում է Ընկերության կանոնադրական կապիտալի 50.979%-ը:

2)ՔՐՈՆԻՄԵՏ Հոլդինգ ՍՊԸ (ԳԴՀ Կարլսրուիե Ջյուդեկենշտոասե 22) որը տիրապետել է Ընկերության 33 639 հասարակ անվանական բաժնետոմսերի, ինչը կազմում է Ընկերության կանոնադրական կապիտալի 48.686%-ը:

4. Ընկերության ներդրումները

հազ. դրամ

30 հունիսի 2021թ.

«Մետաղագործ» ՓԲԸ

5 000

«Հին Արենի» ՍՊԸ

175 652

30.06.2021թ. դրությամբ Ընկերության բաժնեմասնակցությունը «Հին Արենի» ՍՊԸ-ում՝ 23.6% իսկ «Մետաղագործ» ՓԲԸ-ում՝ 15.94%:

5. Ընկերության բնականոն գործունեության շրջանակներից դուրս կնքված պայմանագրեր

2021թ-ի առաջին եռամսյակի ընթացքում Ընկերությունն իր բնականոն գործունեության շրջանակներից դուրս պայմանագրեր չի կնքել:

6. Ընկերության հետ փոխկապակցված անձինք

Բաժնետիրական ընկերությունների մասին ՀՀ օրենքի 62-րդ հոդվածի 2-րդ կետի համաձայն

անդամները գործադիր մարմնի իրավասություններ իրականացնող իրավաբանական անձը կամ դրա տնօրենը կամ դրա խորհրդի անդամները կամ դրա կանոնադրությամբ կամ պայմանագրով նախատեսված՝ ղեկավարման գործառույթներ իրականացնող այլ անձինք վերստուգող հանձնաժողովի անդամները Ընկերության անունից հանդես գալու իրավասություն ունեցող այլ անձինք և Արժեթղթերի շուկայի մասին ՀՀ օրենքով փոխկապակցված ճանաչվող այլ անձինք:
2021թ. ընթացքում Ընկերությունը փոխկապակցված անձանց հետ չի կնքել այնպիսի գործարքներ, որոնց արժեքը գերազանցում է Ընկերության ակտիվների արժեքի 10 տոկոսը:

7. Ընկերության կառավարման և վերահսկման մարմինների կառուցվածքի փոփոխությունը

2021 թվականին Ընկերության տնօրենների խորհրդի կազմը չի փոփոխվել:

Ընկերության տնօրենների խորհրդի կազմն է՝

Թոմաս Հայլ

Մհեր Պոլոսկով

Բերնառդ Մարիա Կունսման

Պետար Կոստովիչ

Տիգրան Մամիկոնյան

Արամ Մամյան

Ընկերության վերստուգող հանձնաժողովի կազմն է՝

Սիեգֆրիեդ Գրուպպ

Գաբրիել Էրբս

Նանե Խաչատրյան

Ընկերության գործադիր մարմնի ղեկավարն է Կարեն Հակոբյանը:

8. Ընկերության հետագա հնարավոր զարգացման նկարագիրը

2021թ. երկրորդ եռամսյակային հաշվետվությունը հաստատելու պահին Ընկերությունն իր հիմնական գործունեության մասով ձեռնպահ է մնում կատարել կանխատեսումներ:

Գլխավոր տնօրեն



Կարեն Հակոբյան

«ՄԱՔՈՒՐ ԵՐԿԱԹԻ ԳՈՐԾԱՐԱՆ»

ԲԱՑ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ

ՊԱՏԱՍԽԱՆԱՏՈՒ ԱՆՁԱՆՑ ՀԱՅՏԱՐԱՐՈՒԹՅՈՒՆ

Մենք՝ պատասխանատու անձինք հավաստիացնում ենք, որ մեր լավագույն տեղեկացվածության համաձայն ֆինանսական հաշվետվությունները ճշգրիտ և լիարժեք ձևով արտացոլում են Ընկերության ակտիվների և պարտավորությունների ֆինանսական վիճակի եկամուտների և ծախսերի իրական պատկերը, իսկ կառավարման մարմինների զեկույցը ճշգրիտ և լիարժեք ձևով արտացոլում է Ընկերության ընդհանուր վիճակը բիզնեսի արդյունքները և ներառում է այն հիմնական ռիսկերի նկարագիրը, որի հետ առնչվել կամ առնչվում է Ընկերությունը:

ՊԱՏԱՍԽԱՆԱՏՈՒ ԱՆՁԻՆՔ

Անուն ազգանուն	Պաշտոն	Պատասխանատվության շրջանակ
Թոմաս Հայլ	Տնօրենների խորհրդի նախագահ	Տնօրենների խորհրդի աշխատանքների կազմակերպում և ղեկավարում
Մհեր Պոլոսկով	Տնօրենների խորհրդի անդամ	Պատասխանատու նշանակալից բաժնետերերի հետ հարաբերություններում
Բերնադո Մարիա Կունսման	Տնօրենների խորհրդի անդամ	Պատասխանատու ֆինանսական հարցերով
Պետար Կոստովիչ	Տնօրենների խորհրդի անդամ	Պատասխանատու կայուն զարգացման հարցերով
Տիգրան Մամիկոնյան	Տնօրենների խորհրդի անդամ	Պատասխանատու տեխնիկական հարցերով
Արամ Մամյան	Տնօրենների խորհրդի անդամ, արտադրության տնօրեն	Պատասխանատու արտադրության գծով
Կարեն Հակոբյան	Գլխավոր տնօրեն	Ընկերության ընթացիկ գործունեության ղեկավարում
Վալերի Թամրազով	Գլխավոր հաշվապահ	Հաշվապահական հաշվառման վարում, ֆինանսական հաշվետվությունների ժամանակին կազմում և ներկայացում